

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 39. stav (5) i člana 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) i Odluke o preraspodjeli sredstava u Budžetu Zeničko-dobojskog kantona za 2026. godinu, broj: 02-11-905/26 od 14.01.2026. godine, na prijedlog Ministarstva zdravstva, Vlada Zeničko-dobojskog kantona, na 113. sjednici, održanoj 14.01.2026. godine, d o n o s i

O D L U K U

o usvajanju Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ - Izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 – „Kapitalni transferi drugim nivoima vlasti - za zdravstvo“ – Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u ukupnom iznosu od 8.148.746,80 KM (slovima: osammilionastočetredesetosamhiljadasedamstočetredeset šest i 80/100 konvertibilnih maraka), koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta Zeničko-dobojskog kantona, odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-911/26

Datum, 14.01.2026. godine

Zenica

PREMIJER

po ovlaštenju

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava Ministarstva zdravstva na poziciji „Kapitalni transferi drugim
nivoima vlasti - za zdravstvo“ - Izvor 10
Budžeta Zeničko-dobojskog kantona za 2026. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2026. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 „Kapitalni transferi drugim nivoima vlasti - za zdravstvo“- Izvor 10.

II. SVRHA PROGRAMA

Svrha ovog programa je finansiranje uspostave integrisnog zdravstvenog informacionog sistema na nivou Zeničko-dobojskog kantona u skladu sa Strategijom razvoja Zeničko-dobojskog kantona za period 2021.-2027. godine, strateški cilj 2. Unaprijediti kvalitet života i osigurati jednake prilike za sve građane kroz stvaranje održivog i pravednog društvenog okruženja, prioritet 2.3. Pružanje stručnih i dostupnih usluga u zdravstvu i socijalnoj zaštiti, mjera 2.3.2. Unapređenje kvaliteta i načina pružanja usluga, strateški projekti 2.3.2.7. Uspostavljanje integrisanog zdravstvenog informacionog sistema na nivou Kantona.

III. VISINA SREDSTAVA

Sredstava utvrđena ovim programom iznose 8.148.746,80 KM (slovima: osam miliona stočetrdesetosam hiljadasedamstočetrdeset i 80/100 konvertibilnih maraka).

IV. IZVORI SREDSTAVA

Izvori sredstva za finansiranje ovog programa su planirani su Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) u koloni Izdaci iz Budžeta (izvor 10), razdjel 21-Ministarstvo zdravstva, budžetska organizacija 01, potrošačka jedinica 0001 – Ministarstvo zdravstva, planirani rashodi na poziciji 615100 – Kapitalni transferi drugim nivoima vlasti-za zdravstvo u iznosu 5.200.000,00 KM i Odlukom o preraspodjeli sredstava u Budžetu Zeničko-dobojskog kantona za 2026. godinu, broj: 02-11-905/26 od 14.01.2026. godine, u iznosu 2.948.746,80 KM.

V. KORISNIK SREDSTAVA

Korisnik Programa je Zavod zdravstvenog osiguranja Zeničko-dobojskog kantona, koji je Ministarstvu zdravstva dostavio Program utroška sredstava za uspostavu integrisanog zdravstvenog informacionog sistema na nivou Zeničko-dobojskog kantona broj: 01-33-602/26 od 12.01.2026. godine.

VI. KRITERIJ ZA RASPODJELU SREDSTAVA

Kriterij raspodjele sredstava je Informacija Zavoda zdravstvenog osiguranja Zeničko-dobojskog kantona o provedbi uspostavljanja integrisanog zdravstvenog informacionog

sistema na nivou Zeničko-dobojskog kantona broj: 01-33-25171/25 od 28.11.2025. godine koja je primljena na znanje Zaključkom broj: 02-33-748/26 od 12.01.2026. godine, a kojim je Ministarstvo finansija zaduženo da osigura finansijska sredstva u iznosu od 8.148.746,80 KM, a Ministarstvo zdravstva da nakon osiguranja finansijskih sredstava sačini program utroška sredstava za uspostavljanje integrisanog zdravstvenog informacionog sistema na nivou Zeničko-dobojskog kantona.

Finansiranje uspostave integrisnog zdravstvenog informacionog sistema na nivou Zeničko-dobojskog kantona odnosi se na sljedeće nabavke:

Rbr.	Namjena sredstava	Planirana sredstva
1.	Nabavka nadogradnje postojećeg softvera za elektronski zdravstveni karton kroz:	2.221.993,80 KM
1.1	nabavku softvera za uspostavu elektronskih zdravstvenih knjižica za osigurana lica Zeničko-dobojskog kantona	1.392.300,00 KM
1.2	nabavku kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere	186.193,80 KM
1.3	nabavku nadogradnje sa funkcionalnostima za upravljanje bolovanjem	643.500, KM
2.	Nabavka nadogradnje postojećeg sistema radiološke dijagnostike i preventive	3.042.000,00 KM
3.	Nabavka nadogradnje eReceipt aplikacije kroz:	1.194.453 KM
3.1	proširene kontrole režima propisivanja lijekova, novim izvještajima i administraciji	433.953,00 KM
3.2	funkcionalnosti upravljanja pomagalicima	760.500,00 KM
4.	Nabavka nadogradnje laboratorijskog informacionog sistema (LIS)	690.300,00 KM
5.	Nabavka backup servera za zdravstveni informacioni sistem Zeničko-dobojskog kantona, softvera za backup, komunikacijske opreme i opremanje prostora na drugoj lokaciji koje će se nalaziti izvan sjedišta Zavoda, za backup server	1.000.000,00 KM
	UKUPNO	8.148.746,80 KM

Transferisanje sredstava korisniku ovog Programa vršit će se u skladu sa odlukom Vlade Zeničko-dobojskog kantona o odobravanju sredstava i ugovorom o prenosu sredstava koji će se zaključiti između Ministarstva zdravstva i Zavoda zdravstvenog osiguranja Zeničko-dobojskog kantona

VII. IZVJEŠTAVANJE KORISNIKA

Zavod zdravstvenog osiguranja Zeničko-dobojskog kantona kao korisnik programa obavezan je izvijestiti Ministarstvo zdravstva o namjenskom utrošku sredstava na način kako će to biti utvrđeno Odlukom o odobravanju sredstava i Ugovorom o prenosu sredstava.

VIII. IZVJEŠTAVANJE MINISTARSTVA

Ministarstvo zdravstva je obavezno da u skladu sa članom 52. stav (4) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) dostavi Vladi Zeničko-dobojskog kantona polugodišnji i godišnji izvještaj o utrošku sredstava po ovom programu.

Broj: 02-11-911/26

Datum, 14.01.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.